



6

11-c

83



otheca
ll. Rom.
Jesu

0-11-C-83


22-e-50


22

e

59

2







PANEGYRICVS

ALEXANDRO OCTAVO

PONTIFICI MAXIMO.

[illegible]

1. 2010年12月1日，甲公司以每股10元的价格购入乙公司普通股10000股，占乙公司普通股股本总额的10%。

Journal of Management Studies, 36(7), 809-826.

[illegible]

$\frac{1}{2} \left(\frac{1}{2} \right) = \frac{1}{4}$

[illegible]

the 1990s, the number of people in the world who are under 15 years of age is expected to increase from 1.1 billion to 1.5 billion. The number of people aged 65 and over is expected to increase from 200 million to 400 million. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion.

the 1990s, the number of people in the world who are illiterate has increased from 1.2 billion to 1.5 billion. The number of illiterate people in the world is projected to reach 1.7 billion by the year 2015. The number of illiterate people in the world is projected to reach 1.7 billion by the year 2015.

Journal of Management Studies, 19(1), 67-80.

1. The first part of the document is a letter from the President of the United States to the Congress, dated January 1, 1861. It is a copy of the original letter, and is signed by Abraham Lincoln.

SECVRITAS PRÆCLARI
ECCLESIAE REGIMINIS

I N

ALEXANDRO OCTAVO
PONTIFICE MAXIMO.

Orta ex Idea

Purpurati Principis omnium ap-
ad Sacerdotium Regale

I N

PETRO CARD. OTTOBONO,
Et ex ipso Sacri Principatus
Exordio .

PANEGYRICVS

Ferè instar Synopsis Historicæ conformatus.


*Scriptus à Io: Laurentio Lucchiesinio Lucensē
ē Societate IESV*

*Dictus ab Andrea Arauandino, Nicolao
Cortefio, Theodoro Pangalo, Alumnis
Collegij Græcorum .*



ROMÆ, M. DC. LXXXIX.
Typis Nicolai Angeli Tinassij Impress. Cam.

Superiorum Permissu .



Emin.^{mo} & Reu.^{mo} Principi⁵
PETRO CARD. OTTOBONO
S.R.E. VICECANCELLARIO,
Pontificij Status Præfeco
COLLEGIUM GRÆCORVM
FÆLICITATEM.



*I, semper elingue, quia
marmoreum, Memnonis Simu-
lacrum exoriens aliquando Sol
animasse fertur ad voces, quid-*

A 3 ni,

ni, cum Ecclesiæ Calum subit
 recenter inauguratus Catholicæ
 Fidei Magister, ac Sol Religio-
 nis, illius semel in laudes ef-
 fundatur Iuventus, orta Pa-
 rentibus, quibus aliquam fa-
 cundiae laudem Prisca Ætas
 dedit? Semper quidem hoc qua-
 lecumque vectigal ingenij iure
 persolutum à nobis fuisset No-
 vo Sacerdotum Principi, cujus
 hic auro adolescimus in sinu
 Pietatis, & Sapientiæ. Sed
 aliàs in huius certamen obse-
 quii venire Collegia Nationum
 cætera potuissent. Nostro nunc
 palmam præcipuo nomine ad-
 iudicat indulta Divinitus fors,
 quæ contigit nunquam Majo-
 ribus

7
ribus Nostreis; nunc enim pri-
mum, post conditum hoc Athe-
næum gloriamur Pontifice Ma-
ximo, lecto ex Regio Veneto-
rum Senatu, cui, humana quo-
que servitute, parent ferè om-
nes hic ætatem agentes Græci
Alumni, ceterique eidem sub-
iici mira votorum, ac spei am-
bitione prægestiunt. Verùm elo-
quentes in uberrimo argumen-
to esse non licet, cum ipsa dicen-
darum rerum copia obruat Ora-
torem, qui novo proinde more,
non amplificavit Historiam, sed
eandem ferè in Synopsis con-
trahere adactus fuit. In hoc,
penè diximus, Indice sinceris-
simarum laudum, eas quoque

tantum attigimus è præclaris
 dotibus Tuis, Eminentissime
 Princeps, quæ Te parem forma-
 verant Amplissimo Magistra-
 tui, antequam illum inires.
 Iis nunc adiicimus, admiratio-
 ni Sapientibus Viris esse in Te
 ad Sacrum Ministerium adsci-
 to celestium illam gemmarum
 temperiem, ex qua magnos ef-
 fingi animos Platonici affirma-
 bant: insignem videlicet in sum-
 ma Felicitate Moderationem,
 humanissimam ex Honorum
 apice Affabilitatem, constantem
 in Auctoritate maxima Æqui-
 tatem, in solertissima Perspica-
 citate Candorem, adultas, &
 senescentes in flore juventutis

Artes

9

*Artes imperandi, & unicam
ex Potentia captatam bene de
singulis merendi ansam. Enim-
verò pulcherrimum Te nostri
Solis Paralion meritò compel-
lamus, perinde similem Soli, ac
in Sole ipso PETRVM exhi-
bet ALEXANDER. Nec si-
lento penitus involvemus glo-
riam, quæ in Te redundat ex
Præclarissimi Patris Religione,
Prudentia, Faciundia, Eruditio-
ne, Humanitate: ex Matre Re-
ligiosissima, ornatissimaque: ex
Optimo, Inclytoque Patruo, &
Avunculo summis Muneribus
egregiè perfuncto; quos ad se-
dulam pro communi salute præ-
standam operam Maximo Pa-*

renti mortalium Regalis Patria
 indulgit Vrbis Regina Terrarum,
 honoribus omnibus cumulatis-
 simos, iter cum illis ingressis Se-
 natoribus centum, & quinqu-
 ginta, quorum plerosque nisi,
 ut Domum regrederentur, Ex-
 cellentissimi Tui Genitoris mo-
 destia exorasset, alios barere.
 Bononia, Laureti plurimos, ce-
 teros omnino sub finem penè
 triumphalis viæ subsistere coe-
 gisset, illustrioris nunquam.
 Ingressus pompam, utcumque
 Veterum triumphis assueta, Ro-
 ma spectasset. Suspicit eadem
 in presentia Moderationem,
 cujus vos intra fines, Principes
 Optimi, continetis, Nutibus,
 &

& Exemplo, præter insignem
 Indolem vestram, Sapientissi-
 mi Pontificis obsecuti. Illius
 quidem egregia facinora, singu-
 los Heroici Principatus dies il-
 lustrantia, si recensere adorire-
 mur, consecrati amplissimo Tuo
 Nomini Panegyrici molem
 Nuncupatoria prætergredere-
 tur Epistola. Eidem igitur ea
 seponimus olim pertexenda, qui
 Synopsim hîc anteaçtq; ab He-
 roe Maximo gloriosissimæ æta-
 tis, & Quatuor primorum
 Dierum optatissimi Regiminis,
 effudit primo illo gestientis ani-
 mi impetu: ne verbo deinde qui-
 dem adjecto, cum innumera se
 ultro ingererent, nec ullum sor-

titura finem fuisset omnia narrantis oratio. Nos verò solùm interea delibamus Cæleste Suffragium, à quo desponsa in Panegyrico sub Alexandro mortalium Felicitas apertissimè confirmatur. Supra proximum Vaticano Collem splendere vidimus Iridem eo ipso mane, quo Coronâ fuit insignitus Pontifex Optimus, & serenus affulsit Sol, discussis pluviâ importunè imitantibus nubi-
bas. Pulcherrima risit, cum deferretur in Lateranum, dies: cumque ad Exquiliâs pro impetranda criminum venia, quam ea detestatis mortalibus indixerat, religiosè contendit.

Con-

Conflandæ cum Turcis Pacis
 discutitur metus, & Barbaros
 penitus proterendi spem recen-
 tium in dies Victoriarum nun-
 ciis Cælum fouet, occupatis in
 Bulgaria, Bosnia, & Epiro
 illustribus Urbibus: Macedo-
 nia nos invitante: plurimis ob-
 sequium Romano Patri deferre
 molientibus Antistitibus, buc-
 usque ab illo diuulsis: & auc-
 tis in dies ab ipso, quem robusta
 Iuventus vix ferret, labore
 viribus Augustissimi Senis, qui
 cum in aditu Principatus, nec-
 dum selectis omnibus Imperii
 Administris, innumera per se
 unus præstare queat sine ullo
 valetudinis incommodo: & in-
 terim,

terim, quasi publicarum sollicitudinum expertus, frequentissimè, semperque blandiùs, se singulis ad sacros pedes accedentibus indulgere: centò præsumendum relinquit, minori semper oneri sibi fore Supremam Administrationem Sacrorum. Cælestem, qua fruitur, Tutelam laccessit, dum præcipuas augenda frequentiam Civium Cælo consecrat curas, professus, coram se identidem habendos Conventus Patrum Propagandæ Fidei sedulo excubantium: præter Sancta, & mirè opportuna Decreta, quibus verum Divini Numinis cultum fouet, Errores, & Crimina elidit, Pieta-

tem alit, & Cælestibus resipiscentes mortales opibus locupletat. Et optimus ex æquo Pontificii Status Princeps, ut Christianorum omnium Pastor, Farinæ vectigal Romæ imminuit: ex omnibus subjectis sibi Provinciis sustulit portorium Carnis: ac dimidiam stipendiorum partem, subtractam omnibus publicæ Curatoribus rei, ultro restituit; ne molestiæ populis afferendæ ab inopia sua excusationem prætexant: Ærarium interea, confluentium populorum numero, aliisque sapientissimis, æquissimisque artibus locupletandum, spolians Reditu Centum viginti trium,

aureorum millium, hoc est pec-
 unia capite, confluente Centum
 aureorum millia, præter Qua-
 dragies centena millia. Sed
 quorsum enumerare aggredi-
 mur Sidera, palmaria videli-
 cet Magni Alexandri gesta?
 Quædam solummodo innui-
 mus, ne, quoniam in Panegyri-
 co minimè celebrantur, ea nos
 Romæ Incolas latere quispiam
 arbitraretur, quæ vel nostra de-
 gentium in Patria oblectarent
 aures, animosque admiratione
 percellerent. Hoc etiam idcirco
 Specimen exhibuimus, suis ali-
 quâdo coloribus pingendarum,
 laudum Magni Alexandri, Tuo
 ut animo blandiremur, Emi-
 neu-

gentissime Princeps, cui iucun-
dus nullum pabulum est, quàm
cælestes Herois Maximi dotes.
Nos interim, Gentemque nos-
tram, unà cum hac Oratione,
obsequentissimè Tibi, & aman-
tissimè nuncupata, sublimi Pa-
trocinio dignare, ac sub Magno,
Sanctissimoque Patruo Chris-
tianæ Reipublicæ Fælicitati
Vive diutissimè, & impera.

THYRSVS GONZALEZ

PRÆPOSITVS GENERALIS

Societatis Iesu.

Cum Panegyricum Sanctissimo Domino Nostro Alexandro Octavo Pontifici Maximo scriptum à P. Ioanne Laurentio Lucchesiano Societatis Nostræ Sacerdote aliquot ejusdem Societatis Theologi recognoverint, & in lucem edi posse probaverint, facultatem facimus, ut Typis mandetur, si iis, ad quos pertinet, ita videbitur. Cujus rei gratia has literas manu nostra subscriptas, & Sigillo nostro munitas dedimus. Romæ 3. Decembris 1689.

Thyrus Gonzalez.

Imprimatur,

Si videbitur Reuerendissimo P. Mag.
Sac. Palatij Apostolici.

*Stephanus Ioseph Menattus Episc.
Cyren. Vicesgerens.*

Imprimatur,

E. Thomas Maria Ferrari Ord. Fræ I.
Sac. Apost. Palatij Magister.

ALEXANDRO OCTAVO
PONTIFICI MAXIMO

Panegyricus.



O S T. duo tandem Secu-
la, & quinque præterea
lustra nulli ex Regio Vē-
nerorum Senatu præ-
buisse Regimen Apostolicæ Navis
Sacrum Purpuratorum Patrum
Collegium gloriôsè pœnituit, Emi-
nentissimi Principes. P E T R V S
imperat verè optimus. O T T O
B O N V S, quem non præesse
Sacræ Reipublicæ tanta omnes
admiratione corripiebantur, quan-
ta suspendebat olim non intuitos
in Capitolio Simulacrum Cato-
nis. OCTAVVS regnat verè Ma-
ximus ALEXANDER, cuius Auf-
picia cos despondent Christianis
Principibus de Barbarie Otho-

man-

manna Triumphos, quibus comparata videri possint Præludia, & Rudimenta, quas huc vsque retulimus, Palmæ: perinde ac Philippi Trophæa fuerunt sublustris Aurora Diei fulgentissimæ, qua Macedo inclaruit Alexander. Omnes quidem Christi nomine consecratæ gentes hac audita incomparabili Electione prægestient, sed Græca præ reliquis exultabit, Patriæ Maximi Pontificis Reipublicæ magna ex parte subjecta, & reliqua subijci ambiens: ac Veneto plus Alexandro, imperante sibi, gloriata, quàm Pellæo, Græci olim Imperij Conditore. Quamprimùm ille desituri Regni, ejusdemque tantum in corpora, molitor fuit. Immortalis hic, inque volentes etiam animos, Fundator erit. Hæc me, aliaque plurima, Christianæ Rei faustissima, ominantem temere

rè conceptæ fiduciæ coarguet nemo. Vt cumque maxima sint, imparia tamen Eximij Principis Virtuti censerī debent Auguria, ob quæ, veluti iam impleta, Sacræ iam nunc Reipublicæ gratulamur. Ne verò nimix apud quempiam confidentiæ notam incurramus, dum penè certum, & exploratum nobis esse statuimus, futuri temporis exitum, eiusdem fiduciæ recludimus fontes. Ex eo videlicet, quod omnes Prærogatiæ constituentes Ideam Purpurati Principis omnium aptissimi Regali Sacerdotio fulserint in PETRO Cardinali OTTOBONO, & ex ipso Sacri Principatus Exordio, exoriri conficimus Securitatem Præclari Ecclesiæ Regiminis in eodem ALEXANDRO OCTAVO Pontifice Maximo.

Optimè cessurum olim Quiritibus



bus gravissimum, pernecessarium,
 & maximè periculofum cum Ti-
 grane, ac Mitridate potentissimis
 Regibus bellum fponpondit Cice-
 ro, fi ad illud adminiftrandum
 Pompejus Magnus eligeretur. Ro-
 manos autem metu, ac fe ipfum
 exoneravit tam amplæ fponfionis
 invidia, cum oftendit, inefle Pom-
 pejo dotes illas, quæ Summum
 Imperatorem conftituunt. Quem-
 admodum ergo Tullius, ea, quæ
 in Supremo Exercituum Duce,
 ita nos, quæ in Maximo Sacrorum
 Antiftite requirantur, ut idem cen-
 feri poffit abfolutiffimum cetero-
 rum Exemplar, in Orationis aditu
 decernamus. Heroica ornamenta
 Senatoris Ecclefia, Sacro cujus
 Imperio teneri ambiat Orbis ter-
 rarum, cenfuerim efle, quod Reli-
 gionis, ceterarumque Virtutum
 profundo quodam, & ex intimis
 ani-

animi penetralibus erumpente fulgore inclarescat, non extimo tantum, ac prima specie vulgi oculis blandiente. Quod ea illum perpetuò coronaverit Prudentiæ fama, ut nullus occurrat, cui huiusce de illo laudis palmam præbere possimus. Quod omnium sit, præcipuè Sacrarum, genere Doctrinarum excultus; in ijs verò, quibus homines temperantur, omnes illi deferant Sapientiæ Principatum. Quod in rebus agendis, in multiplici Regimine, neque in Populi tantum, sed & Principum animis pertractandis exercitatissimus sit, & præcipuè ab alijs Pontificibus frequenter consultus, sicuti pluribus placuit Imperij Administer, ac penè Particeps, ita placiturus omnibus sit eiusdem Imperij Moderator. Quod diuturnum splendorem Purpuræ attulerit, Supremo

mo Fastigio proximus: & Ecclesiæ
 Divinæ, ac Pontificij Status bono
 in pluribus Patrum Confessibus,
 summo cum plausu, & Auctorita-
 te prospexerit. His certè laudibus
 si præterea in consilijs omnibus,
 quorum fuerit Auctor, exitus Fæ-
 licitatem, quam spondere de se
 ipso nemo potest, adjicias: quis
 inficiabitur, Sacrum hunc Princi-
 pem Exemplar illorum esse, quos
 certa propemodum, & explorata
 Christianæ Reipublicæ Faustitas
 ad Regnum deposcit?

Recensitæ singulæ Dotes, ex-
 plentes Ideam Sacri Principis, qui
 omnium maximè idoneus sit Su-
 premo Ecclesiæ Magistratui, ita
 in magno ALEXANDRO sum-
 mæ semper omnes extiterunt, ut
 illum nominasse supervacaneum
 fuerit, postquam suis eundem co-
 loribus repræsentavit Orationis
 nos-

nostræ partitio . Post Argumen-
tum itaque generatim propositum
perorare possemus , hanc solum
adumbratam Supremæ Virtutis
Imaginem , Formam gesturi vices
Divini Regis , & certissimam Aus-
picem humanæ Fælicitatis , exhi-
bentes admirationi , & amorî po-
pulorum . Sed , ne voluptate frau-
demus exultare gestientes in am-
plissimo Egregij Principis laudum
campo , quasdam ex innumeris
delibabimus . Nec profectò me-
ruimus , ne , dum ea dicemus , quæ
de alijs , absque blandiendi pe-
riculo , prædicari nequeant , capta-
re novi Principis gratiam videri
possimus . Toto profectò Cælo ab-
sumus ab adulandi necessitate ,
dum tanta se nobis ingerit , quæ-
que ab alio nullo Principe meti
possit , saltem conferta in manipu-
los , laudum seges .

B

Vber-

Vberrimum laudationis argumentum ingressis ipsa dicendarum rerum copia præpedit orationis cursum: cumque plurimæ se nobis exhibeant semitæ, quodam, vt ita dicam, implicamur labyrintho virtutum. Aliquem Doctrina commendat, sed idem non eminet in administranda Republica: alium effert Experientia rerum, sed idem non emicat splendore Sapientiæ: hunc Legum peritia, sed non Naturæ, ac Divinarum scientia rerum spectandum facit: Miti quispiam indole amorem rapit, sed Robore pectoris non obarmatur in crimen: Quæ sparguntur in ceteros prærogativæ, in ALEXANDRVM confluunt omnes, & quæ, ut inquit nobilis Vates, *diuise beatos efficiunt, collectas tenet.* Quoniam igitur inopes facit ipsa met copia, incerti, quam ex in-

numeris dotibus primam aggrediamur, præstantissimæ relegemus Vitæ vestigia, ex quibus præcipua promicant argumenta certissimæ Faustitatis, orituræ mortalibus, eò quòd Supremum humanæ Apicem gloriæ Maximus hic Heros attigerit.

Nisi plurimæ in ipso extarent, & eminerèt Cause spondentes Orbi terrarum Optimi Regiminis Securitatem, expenderem Patritiæ, ac præclarissimæ Domus decora, Patriæque ornamenta, cujus Senatum, ut olim Romanum, Regum Cōcilium Legatus Pyrrhi Cineas appellaret. Magni Facundiam, Sapientiam, Fidemque recolerem Patris, qui admirationi fuit illis ipsis, quos cæteri Principes admirantur: à quo collata in Patriam beneficia perpetuis eadem profecta fuit gloriæ monumentis: cu-

jus Pietas Centum etiam ab hinc
 Annis Romæ fuisse in illustri Se-
 pulchro, quod hic demortuo
 Fratri excitavit in Divi Marci Ba-
 siliæ, cum hac Epigraphe: *Hie-
 ronymo Ottobono fratri Marcus Ot-
 tobonus Eques Patritius Venetus
 posuit Anno Millesimo quingentesimo
 Nonagesimo: Magni, inquam, in-
 auerem Patris præconia, nisi ea-
 dem obrueret Parente dignus
 Alumnus Maximus Filius: ut Ale-
 xander imminuit gloriam Philip-
 pi, Socratis Plato, Aristoteles au-
 tem Platonis: quos pariter in me-
 dium affero, quia Mentis etiam
 Paternæ, ab illo Eloquentiâ, &
 regendorum animorum scientiâ
 imbutus Filius duplici nomine
 Soboles censeripotest. Avum Ste-
 phanum, Proavum Antonium enu-
 merarem, qui fortissimè pro Pa-
 tria, & Religione pugnantes in-
 Tur-*

Turcas occubuerunt, aliosque Li-
teris, & Armis inclytos; nisi cri-
men effet, emendicare à Sideribus
lucem, quam Soli affundas. Id
unum expendo, quod in præfi-
xum Orationi album collineat: à
Sapientissima videlicet Patria, Sa-
pientissimoque Patre, eandem
sponderi in Filio Sapientiam: &
ab ardore, quo Proavi decerta-
runt in Barbaros, magnanimam
incendi in Nepote sitim penitus
delendi Turcarum Nomen. Ne-
que verò tacitus præteribo infi-
gnem, quam Christianæ Reipubli-
cæ ominatur, felicitatem Patris
vita, cum integra semper valetu-
dine ad sextum supra nonagesi-
mum annum protensa: quæ pari-
ter ævi diuturnitas, Seculum quan-
doque supergressa, perpetua serie
contigit Maioribus plurimis, si eos
demas, qui præcox in prælijs fa-

tum laceraverunt. Horum porro
Anni Reipublicæ consecrati, alij-
que plurimi, quos Optimo Paren-
ti mortalium, ademptos sibi, nos-
ter, aliorumque devover amor, si
ijs addantur, quos eidem aliqui
decretos Viride Senium, & Men-
tis juvenilis Vigor despondet. plu-
ra profectò felicissimi Imperij lus-
tra gestientibus populis augu-
rantur.

Iam verò, alienis posthabitis
fontibus laudum, quæ sibi suo
quasi jure præmia præsumit Mo-
rum Integritas, & Sapientia Mo-
regnante, cuius Adolescentiam
Cælestes hæ Charites excolue-
rant? Felicem Patriam Vrbem,
& Italiæ Athenas Patavium: feli-
ces Fortunium Licetum, Bellinum,
Veechium, illustria nomina; qui-
bus indultum fuit, eximium eius
ingenium doctrinis imbucere. Ne-

que

que Amœnioribus tantùm literis ,
 Cæsareoque , ac Pontificio Iure ,
 cujus Oraculum Vrbi patuit , &
 Orbi terrarum , cum sententiam
 tulit : inque aureis *Decisionibus*
 perpetuo Seculorum plausu cele-
 brandis ; sed Philosophiâ quoque ,
 & Arcanis Divinitatis , omnium-
 que demum Encyclopædiâ Do-
 ctrinarum . Vehementer admira-
 tus fui , cum exceptus humanissi-
 mo alloquio , unâ cum duobus
 Collegij Græcorum Alumnis , ab
 Eminentissimo Principe interro-
 gantem audivi , quænam vni ex
 ipsis Theologiæ studioso Quæstio
 tunc esset præ manibus , quidque
 in illa decerneret ipsius Magister :
 acceptoque responso , multiplici
 doctissimaque argumentatione im-
 pugnantem alieni Præceptoris Af-
 fertiones : idemque præstantem
 contra ea Physicæ Asserta , quæ

Alumnus alter, ad eiusdem tunc
studium incumbens, pridie statuta
in sua fuisse dixerat Academia.
Enimverò exclamare compulsus
fui, sapientius nihil auditurum me
fuisse ab illis, qui aliarum omnium
curarum expertes his tradendis &
fuggesto doctrinis infenuerunt, ac
domum regressus huius comme-
moratione prodigij omnium tunc,
aliàsque frequenter, aures, ani-
mosque suspendi. Quorsum hæc
recenseo, quæ levia in Maximo
Principe videri possint? Ut suus
videlicet sit honor eximiæ Viri,
ornamentis omnibus cumulatissi-
mi, Moderationi, cuius hoc, &
aliud multiplex decus indicatum
non video ab ijs, qui Purpurato-
rum Patrum Elogia texunt. Hæc
quidem cum ostensa profectò sint,
antequam typis ederentur, Sacris
illis Principibus, qui ætatem ad-
huc

huc agitabant, in comperto est
eximia Maximi Cardinalis Modestia,
qui plurimas involvi tenebris
iussit dotes suas, quarum aliqui-
bus perfusi cæteri eas plerumque
optarunt posteris tradi. Hinc au-
tem solum eruimus, quàm grande
sibi præsidium, & decus spondere
possint quocumque Doctrinarum
genere inelyti Viri à Principe, qui
singularum pretium optimè novit,
& claritatem singulis contulit, eas-
dem sapientissima sua mente com-
plexus.

Literis omnibus eruditus, sui-
que præsertim, aliorumque ani-
mos temperandi scientiâ clarus,
tantæ consentaneum Sapientiæ, ac
Virtuti theatrum, Romam viginti
natus annos ingreditur: Roma-
næque Rotæ Decani, ac præclaris-
simi Viri, Ioannis Baptistæ Cocci-
ni domum frequentans, huiusce

Curia usum edocetur, præter quem nihil habuit, quod ab Vrbe gentium Magistra disceret eximius Iuvenis: aut saltem nihil hinc ab alijs hausit, quin illis magno cum fœnore plurimum rependerit ex animi bonis, quibus uberrimè affluebat. Fère statim Præsulibus accensus, Urbibusque regendis admotus Pacem populis attulit, Iustitiam, Fauscitatem: semperque Major apparens eo, quod tunc administrabat, Regimine, cum Spoletani à finitimis dissiderent, Ipse ad concertationem sedandam festinare iussus miræ Dextérité, Solertia, Cádore, Facundia, ad arma ruituros animos extemplò composuit. Præsagium hoc fuisse reor pronæ in obsequium voluntatis, quam in omnibus Christianis Principibus experturus sit ad extinguenda bello-

rum incendia insigni, qua præstabit apud omnes, Auctoritate, humanissima Indole, qua omnium amores demeretur, & eximia Sapientia, quæ innumeras ipsi artes conciliandi Fœderis suppeditabit.

Quæ se mutuis Iustitia, & Pax osculis appetiverunt, ut Divinæ perhibent Literæ, humani quoque Regiminis Felicitatem præ reliquis Virtutibus elaborant. Iustitiæ verò non illustre solum, dum populis præesset, noster Heros specimen præbuit, illius omen, quam Summo in Imperio præseferet integerrimam; verum etiam, cum Romani Areopagi Iudicibus quamprimùm adscriptus, quos Rotæ Auditores appellant, totius Italiæ, imo & Europæ plausum, retulit, Sapientia celeberrimus, & Equitate: eoque suos inter Col-

legas in pretio habitus, ut omnium propemodum Oraculum, ac Tribunalis amplissimi Arbitrarij videretur.

Nec diu licuit præclaro illi Senatui Maximi Viri consortio frui quia secundum supra quadragesimum ætatis annum cum attigisset, ab Innocentio Decimo, perspicacissimo, æquissimoque meritum Censore, in Sacrum Cardinalium Collegium relatus fuit, in quo quanta claruerit Auctoritate dicant Comitia pro Summis eligendis Pontificibus habita, in quibus non semel præcipuus Auctor fuit Imperij deferendi ijs quos illi administrando aptissimo arbitrabatur, quique illi regendos ipso experimento compertum sunt. Illa dicant publici boni studioforum Colloquia Principum in quibus si alij scrutabantur vias incun-

ineundas ad exoptatum termi-
 num assequendum : suggerebant
 alij , quænam suscipiendis consi-
 lijs moram obijcere possent : erant,
 qui prudenti lance librarent illa ,
 quæ hæc cursum , aut illac vtilius
 possent inflectere : Ipse tandem
 omnium Sapientissimus decerne-
 bat , quæ iter instituendum esset ,
 non sine optatissimi exitus securi-
 tate . Neque tantum Socij consi-
 liorum omnia expertissimæ illius
 Prudentiæ tribuebant ; sed aliorum
 quoque animos tanta dexteritate
 tractabat , suumque adeo in amo-
 rem rapiebat , vt libentius illi eius
 in sententiam irent , quàm suam
 ipse alios in sententiam optaret
 adducere . Brixienfis dicat Eccle-
 sia aliquandiu summa cum Reli-
 gione , ac Sapientia temperata , &
 statim alteri tradita , cum publi-
 cum Christiani Orbis bonum ab
 hac

hac illum Principe Urbium abesse prohibuit. Illustris dicat Præfectura supplicum Libellorum pro Sacerdotijs, alijsque Sacris Redi-ribus impetrandis, quam Datarij Munus vulgus appellat, egregiè obita, summa cum Æquitate, Prudentia, & geminante collatum donum Celeritate. Plurimi dicant Ecclesiæ Senatorum Conventus, in quibus grande suffragium tulit: quos fulgore mentis, negotiorum omnium latebras pervadentis, illustravit: quorum demum illimis Oculus, & vitam illis affundens Animus videri potuit. An vnus verò, aut alter, aut tertius hic Cærus fuit? At vix vllus ex plurimis, qui haberi solent, exemit onere Sapientissimum Principem, ad omnia natum Christianæ Reipublicæ discrimina propulsanda. Supremus hinc Fidei Quæstorum Senatus

eus inter primos Veritatis Asser-
 tores, & Vindices illum suscepit,
 semper quidem conservandæ inte-
 gerrimæ Religioni solertissimè in-
 vigilantem; at se ipso majorem in
 extinguendo Errore, ab Inferis re-
 center iterum excitato per Somnia
 opinantium, nullum superesse
 contrahendæ Periculum Culpæ, si
 semel fluxarum rerum amore, ip-
 sisque sensibus, intelligentia, &
 voluntate spoliatus animas vivi-
 da Fide affigatur Divinitati; post-
 modum enim Quietus hic amici
 Numinis Intuitus, & Amplexus ab-
 rumpi non poterit, licet in probro-
 sa quævis facinora Inferior Pars
 hominis provolvatur; hæc quippe
 non ipse, iam donatus consortio
 Divinitatis, Homo perpetrabit, sed
 Malus in illo Demon, Deiferum
 Hominem sua perversitate non in-
 quinans. In hanc pestem exarsit
 Di-

Divinæ gloriæ studio mirificè incensus Princeps, & ad suam operam pro vitili conferendam eidem penitus à Christianis finibus eliminanda sibi ævum credidit propagari. Sed non eam solummodo, verùm etiam Hydras Hæresum omnes, Mahometicam, & Ethnicam impietatem illius Ardoris, ac Sapientiæ Divinum Numen tradidit elidendas. Quid reliquos interea recenseam Patrum Conventus, quibus vitam, & spiritum fuit impertitus? Sive qui Antistitum, & additorum Divino cultui virorum causas cognoscunt: sive Concilij Tridentini Interpretum: sive illos expendentium, qui Ecclesijs opportunè præficiendi Episcopi videantur: sive de his ipsis iam electis Examen coram Pontifice Maximo insituentium. Illum Fidei propagandæ sollicitus Cœ-

tus;

tus : ad Libros illum expurgandos, aut prohibendos incumbens : illum Congregatio, quam dicunt, Consistorialis : Apostolica illum, Visitatio : Illum Gratia Signatura : Indulgentijs illum, ac Reliquijs, aut depellendæ olim Pesti addita Ecclesiæ Divinæ Cardinum, Sodalitia ; & alia, quæ præterimus, plurima saluberrimarum Ducem, ac penè Arbitrum sententiarum perpetuò suspexere.

Illius consilium in omnibus, quæ ingruerant, maximèque arduis Reipublicæ negotijs quæsi- vere, quotquot ante illum imperare, Pontifices. Ad omnia superanda discrimina fatalem, ut ita dicam, eius Sapientiæ Clypeum, & Hastam adhibuerunt. Nec sua vnquam spe fraudati fuerunt, quoties humanum hoc Prudentiæ Numen ante iactum lapidem adesse po-

potuit; ad illum enim quandoque à puteo revocandum Divina requiritur virtus. Cæterum, quæ mortales assequi possunt, omnia illi fausta cesserunt, cui nullum antecellere credidit Fama è Sacris profanisque Principibus, vnum idemque Seculum decorantibus.

Quot verò ex ijs, quæ innuimus, erumpunt Causæ statuantes Felicissimi Regiminis Securitatem? Si Auctor ipse fuit; ac Princeps confessorum, vt Optimos Ecclesie Pontifices fortiretur, ac penitus introspectit dotes, Muneri prope modum Divino pro dignitate gerendo pernecessarias, has in illo desiderabimus? Si Prudentiæ principatum illi ultro solertissimi Principes deferrebant, quam proferet è Suprema Religionis Arce, nihil relinquens Orbi terrarum sub Sapientissimo Sacrorum Antisti-

te formidandum ? Quia

*Nullum Numen abest, si sit Pru-
dentia ; sed nos*

*Te facimus, Fortuna, Deam, Ca-
loque locamus.*

Si nulli labori parcens innumeris
interfuit, in devexa etiam ætate,
Purpuratorum Confessibus : ac
synceram in omnibus, solidamque
nihilque affectatam Pietatem ex-
ruit ; quàm vigilem , & ad omnia
intentam sollicitudinem in ipso re-
rum potito spectabimus ? Si eius
Facundiæ, Sapientiæque amplissi-
mi Collegæ , atque ipsi Divinita-
tis Proreges tantum perpetuò tri-
buerunt , gratam quodammodo
vim suis ab illo animis inferri pro-
fessi : per annos septem , ac tri-
ginta , quibus Purpuram deco-
ravit, regnasse videri potest ; ideo-
que tanti Experimentum tempo-
ris ad Regnum , tandem aliquan-
do

do ipsi demandatum, attulisse.

Qua porro gloria circumfuit hic ad Sacrum eidem patefactus Imperium aditus? Quæ magnam Maximi Principis Electionem circumstant, Divino illam Numini manifestis argumentis vindicantia; ideoque Orbi Christiano spondentia insolitam Faustitatem? Eam certè præsumere urgemur ab ipsa Divinitate, quæ non incassum Prodigijs adesse voluit renuntiationi pulcherrimæ. *Parcas, Optime Princeps*, ea recolenti, quæ moram Tibi obijciebant, ut *Sacre Tuæ Præfecturæ gloria* ex ipsa sumat incrementum. *Arduitate*: ac pateat, quid ex illa spondeat mortalibus Providentissimus Deus eiusdem *Affertor*. *Increbuerat rumor*, è primaria quempiam Romana Nobilitate *Cardinalem*, ex qua plurimi meritis præ-

præclarissimi Comitij intererant,
 ad Solium evehendum. Legen-
 dus credebatur ex ijs Collegijs,
 quibus aderat Ductor: aut ex eo
 potius, quod Trium ac Triginta
 Purpuratorum numerum, quan-
 vis destitutum Duce, constabat.
 Neque ullam veri similitudinem
 præferebat consilium feligendi
 Unum ex Quatuor, qui nullius
 ductum secuti, supererant ex ve-
 rustissima Classe, iam honestata
 Duobus ex ipsa, vocatis ad Aposto-
 licum Thronum: interque hos
 Illo ipso, qui omnium postremus
 illum infedit. Nescio qua demum
 de causa, à duobus iam seculis, &
 annis præterea quinque ac vigin-
 ti, nullus adscitus fuerat ad Sa-
 crum Imperium ex Venetis Patri-
 bus; quanvis assuetis à prima pue-
 ritia experrectum animum ma-
 gnis consilijs exercere; ideoque
 aptis-

aptissimis populorum Regimini.
 Summa, qua Maximus hic Heros
 floruerat in alijs Comitijs, & apud
 suos Deceffores, Auctoritas ab-
 alienare ab illo quorundam ani-
 mos, iniuriâ certè, si minus iure,
 potuisset; quanuis enim in omni-
 bus Reipublicæ commoda perpe-
 tuò spectasset, semper tamen pars
 aliqua invidiæ adhærescit ijs, qui
 consuli solent, ac plurimi fieri
 consuefcit eorum sententia. Li-
 cet autem tot subessent causæ, quæ
 summam ab Orbe terrarum in præ-
 clarissima Electione fælicitatem
 avertere poterant, eam tamen om-
 nium vota sunt affecuta.

Administrandi quidem à Teo
 Regni spem non sine quodam sa-
 cro metu conceperamus, cum ea
 non esset in mortalium genere
 conformatio morum, cui tam in-
 gens faustitas consentanea videri
 pos-

posset. Tuum cæteroqui in sinum
confugiebat concussa Respublica,
supraque Te, ut inquit ille, rue-
bat Imperium. Si læta solùm, &
prospera rerum facies Ecclesiam
exhilarasset, Tuis fortasse annis
parcendum fuisset. Sed aspera,
& ardua necessitatem Tui Magna-
nimi pectoris, Sapientissimique
consilij Electoribus imposuerunt.
Ter Optimus dignus eras, qui ab
Optimis, in hoc præsertim maxi-
marum rerum articulo, eligereris.
Olim enimverò rapi ad Supre-
mum Fastigium promerebaris; sed
visum Superis fuit, expectari tem-
pus, quò magis liqueret, Maxi-
mum à Te collatum fuisse Chris-
tianæ Reimunus, perpetuis exer-
citam laboribus vitam coronante
laboriosissimæ oneribus senectutis.
Mirandum alioqui fuisset, quod
Electores egregij Meritissimo Prin-
cipi

cipi huc usque Imperium distulissent.

Post moram non diuturnam Comitiorum, in quibus ausus fuit nemo, parem Te Divinis obeundis Vicibus diffiteri, omnia in unum suffragia conspirarunt. Electus autem à Senatu suffragijs, à Populo, ac Regibus, & omnium quidem votis, eligebaris. Prodigio simile videri potuit, quod cum apertè plurimi grande hoc Decretum parturirent, illud deinde faustissimè pepererint omnes; cum abortum pati perpetuò consueverint huiusmodi foetus, quos per dies plurimos Sacri Senatus eniti laborant. Fluxerunt autem, cum de Te ageretur, dies Quatuor & Quadraginta. Ac tanti quidem fuissent Anni, ac Lustra, quæ Te moderandis generis humani habenis admoverent. Et
quis

quis in Regali Sacerdotio. Tuo mortalibus indulto, dum tanta illius necessitas Ecclesiam urgeret, & ad illud assequendum tot esset repagulis obluendum, Providentissimum Divini Numinis consilium non intuetur? Quis ab hoc tam præsens Divinitatis insolito molimine non haurit Felicissimi Regiminis Securitatem? Profecto non incassum per Prodigia se mortalium consilijs palam, & apertissime Deus immiscet.

Evectus igitur ad Petri Solium fuit Maximus inter Purpuratos Principes Heros PETRVS OTTOBONVS, inque illo iussa est imperare summa Religio, eximia Morum Integritas, Prudentia maior humanà, omnigenæ Doctrinæ fulgor, Iustitiæ Ardor, Indoles beneficentissima, Magnanimitas, Humanitas, Candor, om-

niumque Virtutum, & Gratiarum
exultans Chorus. Neque abs re
magnum ab Alexandro Nomen
adscivit, Ipse quidem vnus ex il-
lis memoria Pontificum consu-
lens, quibus contulit Regnum, si-
bi aliquando deferendum; sed ad
illud feligendum actus Divinitus
in certum Omen multiplicis, res-
ponsuræ amplissimo Nomini, fæ-
licitatis. Neque verò, in Profani
tantum Alexandri fortunæ Auspi-
cijs hæsurum me, quispiam arbi-
tretur. Omnium, qui ante illum
hoc vsurparunt, Pontificum præ-
cipuas dotes vnus repræsentabit.
Si Primo Sanctissimo Alexandro
plurimum debet Christiana Fides,
ab illo innumeris, & præsertim
nobilissimorum Quiritum animis
insinuata, sacroque deinde sangui-
ne asserta: eam Noster amplissime
prolatabit, cuius incensus mirifi-

co studio fulsit in Sacris Conven-
 tibus Fidei Quæstorum, eidemque
 propagandæ strenuissimam ope-
 ram conferentium. Si *Secundi* præ-
 rogativa fuit, quod merito eximia
 virtutis prælatus fuerit Romanis
 Præsulibus, quorum plurimos
 egregie tunc dotes ornabant: quod
 subverterit insanam audaciam Ca-
 dolai: quod per Sanctitatem, &
 Doctrinam Petri Damiani sustule-
 rit Schismata, Tyrannos frænave-
 rit per Gulielmum Normannum:
 quod Henricum Tertium Cæsa-
 rem, de magnis criminibus ad se
 delatum, ad dicendam causam sua
 fretus auctoritate Romam advo-
 caverit: ita quemadmodum similis
 Heroi Nostro fortitio contigit præ
 tot illam promeritis Purpuratis
 Quiritibus, perinde Pontificia
 Magnanimitate, quoniam Catho-
 lici Principes in officio se conti-



nebunt, utetur in Barbaros. Si, præter alias innumeras dotes, *Tertius* inclaruit ex domito Friderico Imperatore, cui Venetijs suos ad pedes accidenti, Super Aspidem, inquit, & Basiliscum ambulabis, & conculcabis Leonem, & Draconem: eundemque habuit obsequentem in expeditione in Saracenos suscepta: contra Nostrum invicti animi Principem frontem eriget nemo, atque Ipsi facillimum erit, optimos Reges urgere ad supremum excidium Turcarum Tyranni. Si *Quartum* inferuit Heroum concilio ardor animi in Manfredum, & Ezzelinum, in Abbigenses, aliosque Hæreticos: calc ar additum Regibus ad subsidium Palestinæ ferendum, quod, illo auctore, Sacrumque indicente bellum per solenne præconium, in se plurimi receperunt: & præter

Danielem Ruffiæ Regem ad Romanæ cultum Cathedræ revocatum, Græci omnes ad Fidei cum Latinis consortium perpetua contentione ab Optimo Pontifice allecti: & Ille, quo præclariffimo ætas noſtra ſuperbit, Hæreſes fæliciffimè, ac Schiſmata proſtigabit, ac poſt occupatam Conſtantinopolim nulla ſuperèſſe gaudebit in Oriente, Chriſti nomine conſecrato, nobiſcum Religionis diſſidia. Nec minor Illi, quàm *Quinto*, & *Septimo*, inerit Sapientia, Integritas, vigilantiffimum Studium, & Amor in Urbem Romanam, quam *Quintus*, licet difficillimo tempore, exemit à jugo Ladislai, *Septimus* autem ab eandem Cæſareo certè animo, niſi viribus, exornatam, non minorem, quàm Auguſtus laudem fuit aſſecutus. Cum *Vno*, quem conſultò præterivi,

commune nihil habebit, præter insignem Prudentiam, & ansam illi oblatam exercendæ Auctoritatis amplissimæ in celeberrima Linca, quas detegi paulò ante inceptam, partem maximam Terrarum Orbis diuisit inter Castellæ ac Lusitanix Reges. Pronum Heroi nostro pariter erit, cui, præter Pontificium Munus, suæ quoque Prudentiæ, omnes antegressæ, reliquarumque Virtutum omnium Fama pondus Auctoritatis augebit, Thraciam, Syriam, Ægyptum, Persidem, dividere inter Christianos Principes, ubique gentium spargentes sub illius Auspicijs Fidei Trophæa.

Et cursum OCTAVVS ipse numerus expendendus est, qui multiplici nomine contigit ALEXANDRO, non sine augurio fortis optandæ, cum illum impleant

ca,

ea, quæ, Divini Magistri sententia, statuunt Beatitatem: inque illo desinere Spei complementum, Summamque Virtutum, Magnus Gregorius affirmaverit: neque ulterius intendi, quæ corporibus accidunt, Qualitates, Philosophi doceant: præter Arcana, quæ in hujus perfectione Numeri Pythagoræi, ac Platonici contemplabantur. Nec defuere, qui animadverterint Aeris Serenitatem, ipsiusque, subtristis antea, Solis Lætitiam eo temporis articulo, quo de recreâdo per ALEXANDRI Electionem mortalium genere palmare Decretum sancitum fuit: succedente quoque Fauonio in imperium Romani aeris, pulso molestissimo Noto, nos vexante, dum incertus de summa fortuna noster animus quatiebatur. Et Brunonis quoque Viri Sanctissimi, cui consecratum

diem albo perpetuò lapide faustissima hæc Electio consignabit, Brunonis, inquam, *Gloriosa Pœnitentia* visa quibusdam fuit respondere Vaticinio Sancti Antistitis Malachiæ. Quamvis his aliunde, nec omnibus congruente, Interpretatione, Propheticiis verbis occurrimus, in Orationis exordio.

Sed cur à præteritorum facinorum gloria, & iis, quæ Magni Pontificis Electionem circumstāt, indagamus causas afferendæ mortalibus ab ALEXANDRO certissimæ Faustitatis, cum Facta ipsa loquantur, primos eximii Principatus dies illustrantia? Quem non incendit filiis insitus in Parentem amor, cum Sol hic, tunc primùm exortus, ad tenebras è Vaticana Basilica depellendas illatus in illam fuit? Quod erexit gaudium animos exultantes, cum Vultum il-

illum suspeximus, ex quo in Populum Amor, Religio spirabat in Deum? Intuitum illum cælestium verè Paternum oculorum: nativam illam, temperatam humanissima Indole, Majestatem, quæ superbix nihil ex gloriæ incremento contraxerat: Alloquium illud, quo è sublimi Sede dignabatur Præsules, iter ante illam instituentes: nunquam antea visam Affabilitatem, ex qua Major Imperio, & eidem assuetus Animus promicabat? Tunc enim verò altius insonabant festivæ populorum voces, quorum clamore concuti videbantur Porticus, ac Templi marmora, nullis quatienda cæteroqui arietibus Seculorum. Neque verò tenues in laudes Populus, ac Senatus Quiritum effundebatur; sed in egregias, Magnoque Principe dignas, cum in Pontificia Sede supra

omnium capita, non tam gestatorum manibus, quàm plausibus univerforum elatus, nescire videbatur, omni se præesse mortalium generi: adeo nihil nativæ oris dignitati addiderat Principatus. Incerti hæsimus, Dominum ne, an Parentem suspiceremus. Sed eò magis excelsus, & eminens in Cælum efferebatur, quò se amplius mitissimo intuitu, dignatione, & alloquio submittere gestiebat. Quid, cum procumbentes ad proculcantis Tartarum Pedis, & Cælum aperientis Manus osculum Collegas paulò ante suos arctissimo devinxit amplexu, ac ferè penetralibus animi inseruit! Quàm certa Charitas, Moderatio, Mansuetudo, Humanitas, Beneficentia spondetur à pulcherrima Optimi Pontificis Indole, in Vultu, oculis, gestibus manifestissimè coruscante!

Et

Et has quidem Divinas Charites gesta, & verba omnia Maximi Antistitis eloquentissimè contestantur. Oculos illico, & curas per Orbem Terræ cum Sole dispergens, datis ad Maximos Christianæ Reipublicæ Principes Pontificia manu exaratis literis, illorum in se amores hac etiam humanitate magis incendit, ut in magnis, quæ molitur pro Divinitatis gloria provehenda Ministros illos habeat alacres, & expeditos. Vix Regnum auspicatus ostendit eandem Securitatem, quam aliis comparant obiti Supremi Magistratus Lustra. Indictò statim Duodecim è Sacro Senatu Virorum Confessu sententias eorundem exploravit pro avertendis incommodis, & incrementis Ecclesiæ sedulò accurandis. Proemiorum, quæ conferri statim videmus, hilari Spe magna-

animam Virtutem fovet, ac vegetat.
Nec periculum subest, ne Metus
quoque Supplicij sub Sapientissi-
mo Principe, quem decipere nul-
lus queat, deterreat à Crimine. In-
ter insanabiles tamen, ut inquit
ille, morbos, necessaria quan-
doque Principis indignatio non
numerabitur; cum Æquissimus Iu-
dex, idemque Mitis, & Poenæ ter-
minum statuere, & causas cognos-
cere præclarè noverit: neque is
sit, quem vel Detractorum malitia,
vel Natura subtristis, & in Con-
demnationem prona, transversum
agat. Non difficiles aditus, non
admissionis mora, nisi cum Publi-
carum cura rerum privatis obstat
Singulorum votis. Non mœsti, ac
spem elidentes, sed blandi, ac fi-
duciam lactantes, excipientis Vul-
tus. Rogari aliquando fastidiens
preces occupat, & ingerit munera,
gra-

gratiarum etiam actione quandoque prohibita : vel saltem auget in majus Beneficium splendido dicto, ac teste amantissimæ voluntatis, quæ culpæ videtur petitorum modestiam. Perpetuo curarum flectitur cursu, instar Cælestium Orbium, qui terrarum commodo consulentes veneratione fruuntur plurima, quiete nulla.

Licet oneret illum Maxima Fama, qua Regnum inivit, eandem tamen auget quotidie admirabilior, & major : adeoque reliquos antegressus, ut desit, quem æmuletur, nisi Seipsum. Quàm iucundo sensu blanditur animis Quiritum exspectata illa, & vivida inductio naturæ, festinantis ad publicam Felicitatem asserendam ? Morosæ quidem, ac sæpe nocituræ Cunctationis odium, exortum à Mentis robustissimæ vastitate, circumspi-

cientis omnia, & etiam in futurum curas ejaculantis, mirificè hilarat Principum Aulas. Præsertim verò cum liquidò constat, ita pertractanda negotia, ut lentè festinando, neque tarditas frigoris eadem deferat, neque impetus caloris evertat.

Hinc in eo, quod præcipuè Principem ostendit, videlicet in eorum selectu, qui strenuam sub illo publicæ salutis operam navent, laus utraque fulsit festinationis, & moræ. Quæ præterea comprehensio Meritorum, quod Æquitatis lumen, quis commune bonum amanti animi nitor? Ut nihil immerenti collatum, siue suo quosdam in Munere confirmaverit, siue ad reliqua insignes Viros adsciverit! At Ille, cui præcipuas tradidit Sacri Ministerij partes, Maximi Patruj Nomen, ac Dotes referens, per-

perpetuà famà efferet Electorem suum, qui rectè, ac sapienter instituit mori, recepto ab omnibus ferè, qui ante illum nostro, & huic proximo Seculis imperarunt, Pontificibus, interque hos ab ipso Beato Pio Quinto, antiquæ Sanctimonix retinentissimo Principe. Nullius adeo interest Principis gloria, quàm qui eidem obstringitur non solum in se collatæ beneficentiæ, sed etiam infusi à natura Sanguinis nexu. Ab hoc autem fonte Sors nulla derivaretur in præsens, nisi adesset in PETRO maxima cum ALEXANDRO similitudo. Quis autem in Iuvene Religionis ardor, quæ Ingenij, ac Doctrinæ multiplicis ornamenta, quæ senilis Prudentia, quàm apta Indoles administrandæ Reipublicæ, prima ipsa die visa Par amplissimo Magistratui, & manifesto in sole

statuens, à quo diu fuit edoctus, Sapientissimum Patrum! Hoc ergo etiam nomine præclare de omnibus mereris, Pontifex Optime, quòd hunc, futurum Romæ Præsidium, ac Decus Purpuræ, ac Beneficentissima Tua, Magnanimaque conformatione animi cum illo imbutos Fratris Tui, ac Sororis, Filios ad Tecum asserendam felicitatem publicam evocaveris.

Ex iis, quæ Quatuor intra dies præstita vidimus, Causas eruimus, certissimam nobis vindicantes in posterum Faustitatem? Nec illam admiramur, qua fruimur in præsens? Per eam certè producti plures in Annos Principatus Fama immortalis vigere posset. Et nobis illam Quatuor ipsi dies peperere. Iam Exteri ad Urbem festinant: suum pecunia cursum instituit: artes florent: Inopia, Mater

vitiorū frequēs, vulgo subtrahitur: recens doctrinæ vigor accedit: novus Aulam splendor exhilarat: recreatur Præfulum spes: Auctori-
tas Principis, cui Constantiâ pe-
ctus armari, Iustitiâ manum, du-
bitat nemo, frænū omnibus ini-
cit: peccare vetat ipsa Clementia,
cum omnes pudeat, molestiam
creare Paterno, ac Beneficentissi-
mo Principis animo: bonis redun-
dat universa Respublica supra vo-
torum audaciam.

Consilium ipsum à plurimis:
iam susceptum de tribuenda He-
roi Maximo Præfectura Sacrorum,
adeoque ipsa tantum Spes Ele-
ctionis faustissimæ, de medio sus-
tulit Diffidiorum Causas, rece-
dente Magno Regnatore ab iis,
in quibus animum obfirmaverat.
Quæ verò hinc Romæ quies, quæ
artificibus commoda, quis Aulae

fulgor, quod Ecclesiæ decus adjunctum est. Vix illo renunciato Pontifice, ac profectò in præmium Electionis pulcherrimæ, illustres Vrbes, inclytamque Provinciam recepit Apostolica Sedes. Hæccine Historico, & compendiario quidem, more tantummodo indicamus, in quibus amplificandis nullo negotio triumpharet cujuslibet Oratoris infantia? Sed enim numerosæ suæ gloriæ succenseat Maximus Principum, si tantum innuimus, quæ celebrari pro dignitate nō possunt, nisi crescat in immensum Oratio. Quæ faustissimi Regiminis Meridies erit, si Auroræ plauserunt Superi tot in nos donis munifica manu congestis? Innumera sobolescent, ob quæ agenda erunt Principi gratiæ, cum Vrbi securitatem, Sacræque Suae Sponsæ Provincias illico redonaverit.

Vnus.

Vnus, & alter effluxerat, ex quo regnare cœperat, dies, cum Arrha instantium sub illius Regimine Triumphorum, certissimus Romam nuncius erexit sex inter-
necione deletorum Turcarum mil-
lium, præter innumeros, quos flu-
men absorbuit: in præcipitem fu-
gam cum imbellium copiarum re-
liquiis acti Visirij occupatæ Nissæ
nobilis Urbis, & Arcis, cum in-
genti cibario, & bellico apparatu
patefacti Sophiam, & ad celebres
Trajani Portas militaris expedi-
tissimi itineris: jamque consignatæ
Trophæis Invictissimi Cæsaris di-
midie viæ quæ Viennâ Constanti-
nopolim ducit; cum præterea de
reliqua facillimè conficienda for-
midandum nihil supersit, inge-
rentibus ultro Leopoldo vectigal,
& ad acceptissima Exercituum
Deo illius Vexilla convolantibus.

Ser-

Serviis, ac Bulgaris: ex quibus qui in Patria se Regione continuerunt, comparato animo sunt ad Turcas à tergo invadendos, dum fronti exultantia victoriis agmina instabunt.

Cùm hæc in antecessum dona Cælum indulserit, dum agebatur de Magno Ecclesiæ Viduæ, oculis subjecto, Sponso sufficiendo, augurari libet in extrema oratione, quam eidem Dotem decreverint Superi. Sophia, Trajani aditus, & nomen à Philippo, & Adriano sortitæ Vrbes, loci naturâ impares obsistendo recentis militiæ artibus, nec satis à consternatis metu Thracibus defensæ, quamprimum nobis patebunt. Vt quinque ab hinc annis in consignato Typis Libello spopondimus, omnes è Græco Ritu Christi cultores, nobis contra Barbaros ad-

hæ-

hæfuros : idque in Bosnis, Rascia-
nis, Serviis, Bulgaris, Morlachis,
Epirotis, Achaicis, Peloponnesiis,
Atticis, alijsque plurimis imple-
tum vidimus : ita idipsum certò
spondemus de Thracibus, cæteris-
que Turcarum adhuc Tyranno
subiectis. Nobiscum illi contra
oppressores suos arma distringent.
Penè jam sibi ingestis vinculis
exempta Vienna, occupata Buda,
Belgradum, aliæque in Vngaria, fi-
nitimisque Provinciis inclytæ Ar-
ces, cumque universa Peloponne-
so Atticæ pars, aliæque non con-
temnendæ Urbes, & Insulæ, quæ
Optimi Decessaris Imperium illus-
trarunt, Sidera erunt, à fulgen-
tissimo alterius Sole fæliciter ob-
ruenda. Audito Veneti ALE-
XANDRI Nomine horrore qua-
tientur corda Turcarum : revivif-
cet Græcia, Macedonia cum Epi-
ro

ro triumphabit : gestient Ionii ,
Cretici, Cyprii maris, ad Bospho-
rum usque porrectæ Insulæ: Thra-
cia ipsa, cum, Cæsarea olim, mise-
ra nunc servitute ingemiscente ,
Urbe proximæ spe libertatis exul-
tabit : cujus compotem fore se
ominabitur universus Oriens, una
ex parte complexus consecratus
ab induto Mortalitatē Divino Nu-
mine Regiones , ex altera proten-
sus in Persidem , & alia barbaræ
Regna , Macedonis olim Victoriis
illustris, Majoris nunc ALEXAN-
DRI Auspiciis in Divinum , per
Christianorum Principum, ac Ve-
netæ præsertim Reipublicæ Tro-
phæa , Imperium fælicissimè vin-
dicandus . Nulla subesse temeri-
tas potest grandibus votis, & ma-
gnanimæ spei, quam animat ALE-
XANDRI, & Veneti quidem, No-
men, & Virtus . Verum , utcum-
que

que vinci rogaturi sint populi, non unus nobis Annus Iordanem, Euphratem, Tigrim, captos Magni Nominis Famà, Maximæque Virtutis admiratione sociabit. At Magni Constantini Urbem, antequam Secundum aggrediatur annum Maximus ALEXANDER post creditam Patrocinio suo Christianam Rempublicam, nostri juris fore propemodum video. Non hæc, ipsi penè impervia Macedoni, Tyrus est. Arx illi nulla: Murorum propugnacula Romanis decedunt. Sexaginta fortium bel-latorum millibus cessuram affirmant expertissimi viri. Quid, si suppetias eidem à Scythis afferri prohibeant Moschi? Quid, si terra, marique illam vrgeant Foederati Principes? Quid, si Divinum Numen, quod omne in Turcarum animis, perpetua seditione furentium

tium, seseque viduantium fortissimis Ducibus, quorum in dies guttur elidunt, consilii lumen extinxit, aliis quoque Prodigiiis adfit? Enimverò, si expediat, hyemes in barbaros armare, duratus adamantis in morem Hellepontus bella transferet tergo: subsident, si fuerit opportunum, montes, arescent flumina, litora conjunget Oceanus. Sed non flagitamus Prodigia, cum abunde sit, consuetam servari strenuitatem in Divinae Causae Propugnatoribus, à quibus per septem iam annos perpetua Victoriarum serie Barbari debellantur.

Exactis Entopà Turcis spectantem propius Orientis Solis cunas Orbis terræ partem lustrabimus. Præter immixtos jam gloriosissimo Foederi, Cæsarem, Reges, Regiasque Respublicas vndique Barba-

bariem urgentes, jam ferè intueor,
non ignotas Ægypti, ac Palestinæ
littoribus, anchoras admoveri:
inserta olim Engaddi, & Hiericuntis
hortis iterum florere pulcherrima
Lilia: assueto rursus gladio meti
avidas Libani Cedros, Palmas
Idumes. Quis importunus hîc
monitor funestat animum
commemoratione obstaculorum,
quæ Sacræ viam Expeditioni
nunc intercludunt? Obvium
est affirmare, Gordios difficultatum
Nodos Sapientissimi ALEXANDRI
Gladio scindendos. Ut olim
magnificè dixit apud Senecam
Megara:

Si novi Herculem,

Lycus Creonti debitas pœnas dabit:

*Lentum est, dabit: dat: hoc quoque
est lentum: dedit:*

Ita, quia novimus ALEXANDRUM,
non solvenda in posterum

rum ab illo dicimus Contentio-
num implicatissima Vincula, sed
jam soluta. Omnia illius virtuti
repagula cedunt. Principum ne-
mo magnanimis consiliis obstat,
cum omnes beneficentiâ rapturus
sit, suis obsequi nutibus gestien-
tes: jamque vias profectò invenie-
rit, in quibus incundis acquiesce-
re possint omnium animi: & ali-
quid præterea indulgendum esse
fælicissimæ Opportunitati delen-
di penitus hostes Christiani No-
minis, nemo non videat. Vt cum-
que maxima præstet, ac penè Di-
vina potestate, ad omnia tamen
opportuna temporibus obtinenda
plurimum addet Pontificis Nomi-
ni honor habitus ALEXANDRO.

Grande Victoriarum pretium
erit Divina Fides latissimè ampli-
ficata. Lutulentæ suæ post Mille
ab illius exortu annos interitum.

Se-

Sectæ imminere , præloqui compul-
sus fuit, ea solùm vice prophē-
ticè locutus , insanus Arabs . At
melior, ac verè Divinitus afflatus,
Vates Martinus Stridonius (præ-
ter alia à nobis alibi recensita in-
stantis Omina fælicitatis) synce-
ram Christi Religionem quamprimum
in Constantinopolis Foris, &
expiatis Fanis apertè Græcà lin-
guà prædicandam , disertè prædi-
xit . Post illam occupatam Urbem
in constantissimum Maximi Pon-
tificis obsequium venturos omnes
Græci Ritus Sectatores , ominari
ausim . Neque nihil conferet ad
eos alliciendos Veneti Pontificis
Nomen; quemadmodum enim Re-
gali eiusdem Patriæ humano fa-
mulatu servire ambiunt , ita Divi-
nas in illo Vices obsequio aman-
tissimo prosequuntur . Sacra Lati-
nos inter, & Græcos Fœdera con-
flari .

flari à Venetis Ecclesiæ Moderato-
ribus consueverunt . Sed Quar-
tum destituit Eugenium fælicitas
constantis in plerisque Græcorum
ingenii , quæ Octavum ad gloriæ
Fastigium efferet Alexandrum .
Cum primùm à sancito Florentiæ
Sanctissimo Religionis consortio
resilierunt , nondum in illos ani-
madversum cælitus fuerat . Impe-
rio deinde , Cæsareaque Vrbe ca-
pta , & eversa miseros poena ipsa
excecauit . Nunc etiam Tyranni
metus concutit , veritos , ne cum
Fide Arma quoque nobiscum in
Turcas consociaturi credantur .
Non pauci verò ex iis , quos bar-
baries Othomanna non premit ,
indecorum putant , in Sacris non
sequi plerosque suorum , infelix
etiam nunc jugum ferentes . At
fractis omnium vinculis , flagrante
amore in suæ Libertatis Auctores ,

restituta cœcutientibus animis die
ab ipso Libertatis bono, suauissi-
mè ingerente comparationem cum
Supplicio grauissimę captivitatis;
Tertium iamdiu Seculum ingres-
so, vltro requirent Ovile Romani
Pastoris, intra quod, suo infortu-
nō seducti, perpetuò se hilares
continebunt. Alios etiam in Oc-
cidente, ad Alexandri Annos illu-
strandos, Ecclesię Triumphos ad-
ornant Superi. Quę in magnum
Illius præsertim ope, non erupit
incendium pestilens libidinis, &
superbię flamma, & sub Quieto
fortasse nunc etiam cinere scintil-
las foveat, penitus extinguetur.
Plurimis Tartarea Hęcenum Hy-
dra verticibus orbabitur. Quo in
Oriente corruet funere Mahome-
tica Superstitio, geminos idem
Mahometes Occidentis Lutherum
opprimeret, & Calvinum. Confe-
cra-

erabitur iterum cum finitimis Insulis, olim florentissima Regia Sanctitatis, Anglia, illius ad Solium revocato Præclarissimo Rege, Fortissimoque Religionis Catholicæ Defensore. At indicata felicium Ecclesiæ fatorum Præsagia hoc vno, eodemque omnium faustissimo continentur. Diutissime Christiano populo præsit ALEXANDER. Suorum, quæ non sine Prodigis terræ indulgere, munerum Superos optimos non poenitebit. Ferè omnes, qui cæterorum aptissimi ad Sacrum Regimen habitifunt, cæteris diutius illud administrarunt. Ita Petrus, & qui omnium Primi sumpserunt Silvestri, Iulij, Damasi, Innocentij, Leonis, & Gregorij Nomen: Tertius pariter Leo: Secundus, ac Tertius Alexander: Tertius Innocentius: Septimus, Nonus, ac Tertiusdecimus

Gre-

Gregorius, & Quartus Eugenius ;
ne vnum alteri præferam ex iis ,
qui nostro Seculo imperarunt .
Hos inter , qui diu ac præclarissi-
mè Regale Sacerdotium exercue-
runt , & quorum aliquibus Agno-
men MAGNI tributum fuit, cete-
rorum etiam Heroicę Virtuti tri-
buendū, MAGNVS enumerabitur
ALEXANDER . Hoc enim uerò
grande Agnomentum non adhe-
sisse reor pluribus idem promeri-
tis ex Maximis Pontificibus ALE-
XANDRI Nomen sortitis ,
quia Divino consilio reservabatur
OCTAVO .











22!

